


清陰集

十三

内閣文庫	
番號	漢 17816
冊數	38 ( 13 )
函號	135 1



清陰先生集卷之十四

表箋四首

皇太子前冬至賀箋

剗陽來復公節不愆於天時震極承乾嘉慶重新  
於日至惟深愛戴豈限逋遐恭惟皇太子殿下  
仁厚之資孝友為德拭目延頸係四海臣民之望  
誠意正心明千古帝王之學茲當履長之候洊膺  
發祥之休伏念臣猥將魯愚權守箕封滯跡外服  
縱阻鶴禁之班注眼前星倍祝龜疇之壽

方物箋

灰飛玉管驗地中之陽回慶衍銅闈執天下之壤  
奠右件等物名般不腆製造匪工豈足稱於多儀  
庶俯鑒於微悃

宣祖 祔廟 慈殿上號恭聖追崇奉慈殿

移安後百官賀箋

孝隆奉先既嚴清廟之祔享禮重報本俄舉闕殿  
之禘儀聖心載寧羣情胥悅恭惟 主上殿下堯  
仁恭已舜慕終身掩德象於增成久掩何恃之痛  
加徽稱於長信倍念罔極之恩茲取法於中朝遂  
備物以上號伏念臣等猥將駑質叨際明時思竭

思齊繼未歌石廷之大雅俾昌俾壽庶能頌魯侯  
之新宮

逆賊伏誅後賀箋

鴻基永鞏允屬泰運方亨天討亟行快聞罪人斯  
得瞻聆惟暨跂喙均歡恭惟 主上殿下道協生  
成功存化育邦域之內臣民咸囿於仁恩蘖芽其  
間梟獍自就於顯戮肆當維新之日益迓俾昌之  
休伏念臣猥將庸資叨典近邑長安咫尺莫造虎  
拜之班江漢朝宗倍切葵傾之悃

教書 六首

清江先生集卷之十四  
教江原道觀察使洪瑞鳳書

王若曰四國分釐之寄自古蓋難一路專制之權於今為重所以蕃宣折禦之責必待文武備具之資惟卿喬木世臣詞林秀幹如豫章杞梓而夙稟昂霄之氣如驊騮駉駉而素賦汗血之資自在髫齡之年已稱廊廟之兕果再鳴於科第能獨步於輩流文辭足以燮猷而退不自居議論主於成務而恥為苟合豈惟詞華鈿槩之是尚抑亦緩急干城之可憑久掌西掖之絲綸暫試南州之簿領超宗趾三世羨殊有鳳毛士元非百里才詎展驥足

茲當方面之缺爰切拊髀之求既盛名已足於聽聞而先容豈待於左右瞻彼東道居國上游屏蔽王圻實同周京之邾鄆包羅天險舊擬漢都之崑函然地理景為崎嶇顧州縣亦甚褊小海瀕八九邑產止魚鹽峽中數十官貢惟冬末况國家徭役之荐劇致官吏誅責之滋繁官闕未完不免呼耶之復起詔冊將降須在接應之預料慨念民生之久勞重遭邊圉之屢警慮存經遠宜軫鐵嶺之關防患生不虞蓋謹海戍之瞭望脩城練卒而且戒騷屑賑饑卹窮而務循便宜興學校勸農桑固治

道之攸本敦風俗振紀綱尤政事之當先還珠復  
乳可廢猛虎蝮蛇寧貸凡一弛一張之際審不苛  
不緩之間茲以卿為去去黑頭擁旄古入猶罕紅  
蓮開幕前史尚榮卿其益恢良圖更礪清操勿以  
燕喜而曠務勿以私撓而妨公褰帷以復詢度之  
風攬轡以效澄清之志官通訓則擅斷罪大辟則  
重裁迨茲閑暇之時亟施撫馭之策於越恐予不  
克負荷未堪初服之憂知卿未老經營不媿平生  
之學故茲教示想宜知悉

教咸鏡道觀察使兼都巡察使韓浚謹言

三若曰予惟祖宗艱大之業嗣守寔難文武內外  
之臣在輔是賴故虞廷之咨岳牧亦周雅之賦屏  
翰如元首股肱而上下相頡頏方面體額則西北  
允重必得如仲淹之理西夏威信兼行必得如寇  
準之鎮北門聲望素著虜氣挫而邊圉固軍容壯  
而國勢尊瞻茲名卿允符妙簡洪深之量如黃憲  
之水汪汪魁傑之姿若和嶠之松落落受知先  
后致身清班視草研思摸曹劉於暗裡談兵抵掌  
得頗牧於禁中遂攬轡於千里之畿仍建節於二  
南之域甘棠之詠既播蒼莖之謗何傷建督府之

初開舉賢材之已試環四道之遠備經馳記數  
年之間幾至安晏纔進長於地部又出按於箕京  
遭窮谷之悲號莫攀仙馭追昔日之恩遇擬報寡  
躬已許君臣際會之非常豈以夷險死生而為貳  
緬惟咸鏡一路實是豐沛舊鄉山川高深尚擁百  
年之佳氣士馬勁悍又恃六鎮之雄藩東南海接  
於雕題三甲地形之贅癭有若吳延寵尹瓘曾恢  
拓於前朝其在我 太祖世宗益經營於曆筭惟  
其境落之與敵最近所以撫禦者視他倍艱邊臣  
失和藩戎肇亂於癸未天險不守島夷荐食於壬

辰矧經潼關覆陸之餘未洗倂退喪師之辱雖烽  
火之暫熄尚羽書之交馳建酋磨牙而旁圖忽部  
朶顧於諸成虞危莫保於朝夕籌策詎緩於夙宵  
亦惟意外之患難防兼亦目前之憂方切飛葛輓  
粟之不絕民已困於轉輸剝膚椎髓之未堪吏爭  
事乎漁棄須先練卒而令戒姑息宜急修城而役  
忌並興軍旅之務縱殷學校之政可廢茲以卿為  
云云輟鴻樞之高位畀勅勳之新儀卿其更展遠  
謀增恢雄略施措之際必觀民情黜陟之權務循  
公道臨父老而問風俗瞻松栢而謁園陵渡龍興

江則想 聖祖者定之神功登咸關嶺則撫哈虜  
犇敗之遺跡于以激勵將士于以審察險要應自  
激於丹衷庶不替於素望於戲忠義初心卿豈自  
期於富貴爵賞茂典予將有待於勲庸在體至懷  
好彰偉烈故茲教示想宜知悉

教竭忠盡誠同德贊護佐運衛聖功臣故領  
議政海原府院君尹斗壽書

王若曰文叔既歿衛君叙恤國之勤安平已亡漢  
帝加定策之賞誠以圖勞不替於今昔顯忠罔間  
於明幽宜推異恩庸貴重壤惟卿稟精間氣為國

宗臣蓋自策名委質之時已有捐軀報主之志由  
其養於內者確乎不拔所以施諸外而蔚然可觀  
肆 先王灼見是明擬他日大用之地風塵之警  
忽起於南陲播越之行乃極於西塞遂思良於臨  
亂之際爰作相於起廢之初得李勉於奉天朝廷  
始重見夷吾於江左風采一新首陳哭秦之忠言  
力陳渡遼之非計致王師再救之力續國命幾絕  
之危竟收旋乾轉坤之功重參礪山帶河之列遠  
小子撫軍於湖路以太傅贊畫於曹越自念京德  
之資曷副 專勅之旨凡有動靜悉與周旋出則

在前嘉訓常資於藥石行所無事疑謀若决乎江  
河予任卿而運籌决策卿體予而殫忠竭節恐不  
效於付託誠匪懈於夙宵賴其盡瘁於始終免夫  
獲戾于上下歸神功於玄宰固靡有争翼 聖筭  
而中興與稱斯慶然時勢有難行者顧予心曷嘗  
忘焉慨盛典未廢於殊勲嗟精爽遽返於列宿九  
原已矣一涕泫然肆策勲一等去去於戲用汝作  
舟楫而亦用汝作盐梅與卿共患難而不與卿共  
安樂尚福祿之未艾遺子孫於無窮真歆寵靈庶  
進冥祐故茲教示想宜知悉

教奮忠秉義决幾亨難功臣左議政鰲城府  
院君李恒福書

王若曰盖聞人臣事國之義莫重於討難王者取  
世之務必先乎報功所以景鍾曩勲勒銘於周家  
麟閣雲臺圖形於漢室者也洪惟列聖之令典率  
稽前代之徽章宜參故常俾聳來許惟卿巖廊宿  
德士林宗工洒落如水壺玉衡富貴不易清明若  
青天白日奴隸亦知卓爾無黨之吕大防澹然寡  
過之蘧伯玉肆 先王倚毗克篤而寡昧眷注彌  
隆頃緣國運之履屯乃有賊臣之圖亂賴 祖宗



默祐於上致兇徒快伏其辜首發陰謀雖得邑宰  
之効力終輸淑問允藉廟堂之協恭自春夏而涉  
秋恒夙夜以盡瘁勲勞實闕於宗社誓約蓋申  
於山河肆策勲三等去去於戲虎尾春冰之危其  
在予敢忘持戒鼎耳玉鉉之吉與卿善處成功  
倘負素心有如金櫃故茲教示想宜知悉

教効忠奮義翼社功臣平安道觀察使鄭賜

湖書二

王若曰秉義討逆臣子之所以致忠褒功懋賞帝  
王之所以明信故周平温亂而晉侯啓南陽之士

漢治燕獄而延年受建平之封莫不誓以山河書  
諸簡策茲修禘禮庸申舊章惟卿資性剛方言猷  
敏達發軔科第之選歷轄樞筦之要居臺柏而直  
聲夙彰佩郡符而治績茂著肆簡在於寧考遂  
荐臻於亞卿亦嘗典國計於度支而再觀風俗於  
屏翰奸偽聿革於內外毫髮莫遁於聰明迨予嗣  
服之初寔切倚任之篤精誠彌勵譽望愈隆俾峻  
樹棘之班仍兼執金以禦何圖難處之變遽出罔  
極之中淑問幸賴於諸賢支黨亟就於顯戮情狀  
既得益無聊於予懷勤勞已多固甚慚於公等比

緣國家之夥務久稽鍾鼎之銘勳瞻茲良辰適當  
嘉會肆策勲三等去去剪先山之故壤疏烟閣之  
新榮於慈母念母荒于極暢慮於終始可久可大  
知善貽謀於子孫永有不貳之心同享無疆之福  
故茲教示想宜知悉

元孫誕生頒布中外教書

禮莫重於奉先久喜主器之有託孝不匱於錫類  
復章繼序之無憂臣庶同懼宗祏永固竊念國祚  
之長久咸由子姓之蕃昌故綿綿之詩繫頌宣父  
而振振之詠載歌文王顧予眇躬嗣守洪業承

祖宗積累之厚降福無疆荷天地保佑之靈景命  
有傑屬邦家之屯難撫歲月以推遷逾思翼子以  
安恒慮抱孫之晚高祺報吉青宮驗夢日之徵甲  
觀騰祥紫氣應彌月之誕唐室之佳兒令婦太宗  
之愛已深漢家之世嫡皇孫宣帝之喜尤大奚止  
一人之慶實乃萬世之基光增少陽既震索之重  
卦生謂大德宜解澤之旁流於戲帛在門賀在閭  
適當吉凶交集之日悲斯愠陶斯咏用修中外播  
告之辭故茲教示想宜知悉

上梁文 二首

深谷書院重建上梁文 在龍仁先生墓傍

人之有道也莫尚尊師講學之方文不在茲乎宜  
新揭虔安靈之所僉謀協順舊觀增光文正公靜  
庵先生道宗鄒魯學傳程朱居家事親天然孝友  
之性進德修業自以聖賢為期淵源夙接於寒暄  
踐履日就於真實神明可質士林依依豈惟義理  
精微之間無事不察蓋於視聽言動之際非禮勿  
為當 中廟更化之辰有漢庭薦士之舉朝家則  
待以不次崇選而進由大科爰契命而動皆曰  
遠登庸而昇以綱紀 明主之眷將擬早作

美作益梅先生之心欲使世為唐虞君為堯舜  
幾無匹夫不獲何難致比屋可封嗟吾道之不行  
痛說言之罔極東都處士憂傷殄瘁之詩南國騷  
人哀怨招魂之賦公論復起不待百年斯文再興  
尚賴一脉迺下青烏之舊地仍恢白鹿之新規南  
面專祠宛符兩楹之夢秋天爽氣想像亞聖之姿  
道固隨世而污隆事或同時而舉廢蕭條兵燹之  
後寂莫絃誦之場俎豆儀容久輟中丁之禮師生  
問學多乏為己之誠儒風以之澆漓士論莫不傷  
歎經營重建遠通咸翰舍舊圖新去卑湫而就爽

壇責功程事嚴繩墨而正規模升堂室則瞻仰之  
懷逾勤視簡策則答問之義斯在茲實後生景賢  
衛道之志抑亦 盛朝興學右文之功將舉脩梁  
載洵吉日頌竊效於晉人張老才顧慙於楚曲陽  
春

兒郎偉拋梁東喜見彬彬振士風弟子莫憂人未  
識也誰勤學不成功

兒郎偉拋梁西大道如天人自迷欲識聖門真路  
昧玄關早透一丸泥

兒郎偉拋梁南道在眼前如倚察君子由來恒自

重才將天地並為三

兒郎偉拋梁北大禹當年寸陰惜日月如馳不少  
留傷悲歲莫知何益

兒郎偉拋梁上俯察人文仰天象三光五岳盪精  
光男子膏中要兕量

兒郎偉拋梁下耦耕莫道無間野舌為耒耜紙為  
田書有三謨詩二雅

伏願上梁之後圖書靜嘉簪履安穩循模守範入  
知師道之賢敬業樂羣士無自暴之病輩固指山  
河而等久文明與日月而俱昭有來欽欽其永肅

肅

沙溪書院上梁文 在鎮岑

退溪栗谷牛溪之後學問淵源之有傳錦江熊津  
荆江之間俎豆絃誦于其所儒風不墜士林依依  
竊惟後學之宗先儒粵自古世而匪今日河南鄆  
縣有程張象賢之祠紫陽發源為朱呂安靈之地  
肆我禮義之俗慕茲尊尚之風若道峯陶山之並  
隆而石潭坡平之紹建沙溪先生名家挺出天性  
自然鯉庭白眉教服詩禮之訓龜門絳帳學窮性  
命之原既事文成又從文簡先治經學後專禮學

真心無飾何嘗立異為奇盛德若愚恒在不言而  
信每謹慎於樂而肆終庶幾乎安且成歸歟田里  
以居晚而弟子益進堅持整肅蓋多立雪之徒浸  
灌流通亦有聞風而起將期小子之造異見薄夫  
之敦恃浩天之無忘善者以勸嗟吾道之不幸哲  
人其萎未敢效斯文將喪之歎尚誰慰諸生安放  
之痛如思矜式之道盍圖祠廟之營望之就之以  
求即無遠於杖屨來往之地葺焉修焉有所亦奚  
異乎函丈從容之時爰詢多士之僉謀乃卜外城  
之遺址山川環拱形勢效揖讓之儀庭宇昭明規

制表正大之體豈止一方士尚之美寔由百年文教之崇穀朝是差脩梁將舉

兒郎偉拋梁東睡起疎簾日色紅庭草野花渾不管圖書一榻坐春風

兒郎偉拋梁西平林漠漠夕陽低門前却怕黃昏近多少行人失路迷

兒郎偉拋梁南朱明天地氣炎炎藤簾竹床凉似水天根月窟坐來探

兒郎偉拋梁北白雪飛花亂蒼苔汲泉直茗餉山人槩几明窓談太極

兒郎偉拋梁上仰看天宇何昭曠塵銷雨霽月華明坐到中宵分氣象

兒郎偉拋梁下詩書講誦無冬夏請君川上試來看混混何曾晝夜舍

伏願上梁之後齋明不替型範如新會友輔仁共收切磋之效高山景行永有觀感之心

冊文一首

仁烈王后哀冊文

維崇禎八年歲次乙亥十二月初九日 大行王妃薨于昌慶宮之產館殯于某殿越明年某月某

日遷座工長凌禮也祖庭既徹殯幄將空三宮雷  
哭百靈雲從酸風射兮哀挽嘶晨露泣兮明旌濕  
宮車莫攀隧路奚及主上殿下提甲念功故劔  
縈情聞鷄鳴而追感擢翟弗而增傷式稽令典俾  
揚休聲其詞曰鬱彼西原沙麓儲祥篤生聖女母  
儀東方章安配睿恭惠翼成襲爰重光  
儼日作明宣祖之季惜座興歎俾相神孫思  
求碩媛惟我王后應時載誕爰膺妙簡允乎世  
選來嬪潛邸寔為好逑淵冲玉度淑慎芳猷雍容  
內則敬勤尊章承歡長樂徹譽昭咀國丁否運禍

皇朝通志卷之六

十三

烈今何紀晦熄乾坤闇晉宗社綴旒黎元塗  
炭帝心改圖玄德在簡英謀內贊十亂於一六  
龍時乘黃裳元吉前星煥曜麟趾騰歌家邦胥安  
小大咸和尊榮壹極十有三秋闕睢樂而振古無  
儔去而一夕災氣奄臻靈臺告禋太史書氛就甲  
觀之畫堂兮施百子以祝慶俄陽祿之罹災兮痛  
一日之無命寢闈未復仙輶遽升胡人事之不良  
亦天數之難更嗚呼哀哉露晞朝葉舟移夜壑龍  
輶一駕壽原長閨水含悲而出谷山帶慘而連峯  
松風鳴兮寶鏡添燈暗兮銀缸異平生之起居非

皇朝通志卷之六

十三

昔日之音容嗚呼哀哉桑壇兮草沒重館兮生埃  
玉衣兮虛設金屋兮誰開纔臘雪之皚皚倏梅雨  
之霏霏寧少觀於月殿詎薄遊於瑤池望白雲兮  
已遠留彤管兮餘悲嗚呼哀哉珠丘允臧柏城洵  
美玄龜協卜錦囊殫技發天慳與地秘紛鳳舞而  
龍盤粧奩歛於泉壤琬琰翳於丘山排烟鬢而列  
侍託富媪而全安嗚呼哀哉盈虛消息天道之經  
流川不歇逝日無停嗟人生於寓內兮孰等久於  
岡陵惟德音之不昧兮共蘭茝以彌芳敢述哀而  
賦選兮壽萬祺以無央嗚呼哀哉



